



Broj: 04-40-1-283/24  
Sarajevo, 11.10.2024. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 08:30 sati 10.10.2024. do 08:30 sati 11.10.2024. godine**

Štab civilne zaštite Kantona Sarajevo (u daljnjem tekstu: Štab) je u skladu sa Odlukom Vlade Federacije Bosne i Hercegovine o proglašenju stanja prirodne nesreće uzrokovane poplavama i klizištima na području Federacije BiH, broj: 1520/2024 od 04.10.2024. godine i Naredbom Federalnog štaba civilne zaštite, broj: 12-04-3-432/24 od 04.10.2024. godine, u toku prethodnog dana na ublažavanju i otklanjanju posljedica od poplava i klizišta na pogođenim područjima angažovao slijedeće strukture zaštite i spašavanja Kantona Sarajevo:

- na području Općine Jablanica, naselje Donja Jablanica, službe zaštite i spašavanja Kantona Sarajevo sa teškom mehanizacijom (pauk bager, četiri bagera rovokopača i dva velika kamiona) sa posadama;
- na području Grada Konjica, naselje Buturović Polje i sela ispod planine Bitovinje na čišćenju puteva i korita vodotoka službe zaštite i spašavanja Kantona Sarajevo sa dvije radne mašine (buldozer CAT i bager CAT rovokopač) sa posadom;
- na području Općine Kreševo na sanaciji putne komunikacije od Sastavaka prema selu Gunjani i čišćenje dijela gornjeg korita Crne rijeke od nanosa, KJKP Rad d.o.o. Sarajevo sa osam radnih mašina (kombinovana mašina-SKIP, rovokopač, veliki rovokopač-gusjeničari, i pet kamiona kiperi za prevoz posipnog materijala) sa posadom;
- na području Općine Kreševo, selo Mratinići, služba zaštite i spašavanja Općine Ilidža sa radnom mašinom (SKIP) i putničkim vozilom sa posadom (2 pripadnika) na raščišćavanju putne komunikacije i čišćenju vodotoka;

- na području Općine Kreševo, naselje Deževica, služba zaštite i spašavanja Općine Hadžići sa jednom radnom mašinom (SKIP) sa posadom na raščišćavanju terena.

U izvještajnom periodu Kantonalni operativni centar civilne zaštite primio je dvije informacije o pronalasku NUS-a:

- dana, 09.10.2024. godine u 13:05 sati, od strane Policijske stanice Ilidža, da je na lokalitetu Stojčevac, pronađen jedan nepoznati NUS;
- dana, 09.10. 2024. godine u 14:08 sati, od strane Policijske stanice Hadžići, da je u ulici Šinici do br.43., (naselje Osenik), pronađen jedan nepoznati NUS.

O primljenim informacijama obaviješteni su pripadnici Tima za UES Federalne uprave civilne zaštite, koji će pronađena neeksplozivna ubojna sredstva preuzeti u narednom periodu.

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 13 manjih intervencija: tri na gašenju zapaljenog smeća u kontejneru, dvije na gašenju zapaljenih automobila, jednu na gašenju niskog rastinja, jednu na gašenju zapaljenog dimnjaka na kući, tri obezbjeđenja na Međunarodnom aerodromu Sarajevo i tri tehničke intervencije (jednu na otvaranju vrata stana i dvije na uklanjanju palog drveća).

**Općinski operativni centar civilne zaštite Stari Grad:** Općinski štab civilne zaštite Stari Grad je održao sjednicu na kojoj je razmatrao trenutno stanje na području Općine Stari Grad Sarajevo prouzrokovano pojavom klizišta i povećanom opasnosti od izlivanja Bistričkog potoka na lokacijama Bostarići (tzv. Curine njive) i Buguševac uslijed gradnje stambeno-poslovnog kompleksa Hilis, Zlatište, te je na osnovu Preliminarnog izvještaja za lokalitet Curine njive sa prijedlogom hitnih mjera Zavoda za izgradnju Kantona Sarajevo, donio zaključke o mjerama i aktivnostima koje se trebaju poduzeti na ugroženom području, te iste putem Općinske službe civilne zaštite dostavio nadležnim organima i službama. Prema informacijama dobivenih jutros od ljudi koji dežuraju na lokalitetu Bostarići, MZ Širokača stanje na ugroženom području je zadovoljavajuće (nisu uočena nova pomjeranja tla).

**Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave je iznosila 14°C, vlažnost zraka 97%, barometarski pritisak 936,5 hPa.

**BIHAMK:** Saobraćaj se na području Kantona Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA  
ŠEF CENTRA  
**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a